

TAG radionica na našem univerzitetu

Dec 15, 2014

Centar za promociju civilnog društva (CPCD) u saradnji sa Novinarskim klubom u prostorijama Burch univerziteta održao je TAG radionicu sa temama žene u politici, rodna ravnopravnost i mentoRING program.

Svoja iskustva u politici sa učesnicima su podijelile aktivne žene iz lokalnih zajednica, koje su naglasile važnost značajnijeg uključivanja žena i njihove vidljivosti u bh. politici. Pored toga, prisutni studenti su pokazali posebno interesovanje za edukacije iz oblasti pisanja projekata i pokretanje biznisa, te će CPCD u narednom periodu svoje aktivnosti usmjeriti na organiziranje radionica koje će omogućiti svim zainteresiranim studentima i studenticama da steknu potrebne vještine i znanja za aktivniji doprinos lokalnoj zajednici.

TAG radionice se realiziraju u cilju podrške ženama u politici i dijelom su najvećeg mentorskog programa za žene u BiH i regionu pod nazivom mentoRING. MentoRING program je jedinstven pristup razvoju i osnaživanju žena u BiH. Promovirajući žensku solidarnost, uspješne žene dobrovoljno pomažu mladim ženama i djevojkama da postignu svoje ciljeve u poslovnim karijerama i životu. Od početka rada mentoRING je povezo ukupno 1170 žena iz cijele Bosne i Hercegovine, što ga čini najuspješnijim programom ove vrste u regionu.

International Burch University | www.ibu.edu.ba